



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

25 c Marcus Euangelist S. Petri Jünger.

urn:nbn:de:hbz:466:1-41449

Benedicti des ersten. Diser war ein Römer / ein trewer
Seelforger vnd Hirt / der in grossen hunger vnd theu-
rung der Statt Rom vnd ganz Welschland Väterlich
mit Korn versorget / hat grosse verfolgung von den Lon-
gobarden erlitten / in welcher verfolgung er auch sein le-
ben beschloffen.

Item in Irland / des H. Münchs / Priesters vnd
Beichtigers Egberti / von welchem Beda schreibt / daß
er ein leben geführet hab inn grosser demütigkeit / senft-
mütigkeit / mesigkeit / einfeltigkeit vnd gerechtigkeit.

Item in Griechenland des H. Märterers Sabe /
samt anderen 70. Märterern / bey desselbigen Sabe
grossen Marter beköhret vnd enthauptet / da sie ihn sa-
hen in einem glüenden Hasen vnuerletzt bleiben / der vol-
gendes in das Wasser gestürket / seinen Geist GOTT
auffgab.

Item zu Remis der heyligen Junckfrawen Bone
vnd Dode.

Item zu Werdena die begräbnuß des H. Luth-
geri / ersten Bischoffs zu Münster (der auch am 26. tag
Merkens gesetzt ist) da sein heyliger Leib bis in die 30.
Tag vnbegeben behalten / bis er auß befehl Caroli
Magni zu ob gemeltem orth / da er zuuor zurühen bege-
ret hett / begraben ward / hat man kein zersörligkeit an
ihm befunden.

Item der Geburtstag der heyligen Junckfrawen
Corone.

e vij. Calendas Maij.

Der XXV. Tag im April.

D

Pa

Aprilis

Zu Rom ist heut der groß Creutzgang / erstlich bey
S. Petro von Sanct Gregorio Magno gehalten.
 Wirdt Letania maior genannt / vnd weret noch in
 der ganzen Christenheit / darbey sich Geistliche vnnnd
 Weltliche Personen / zum heyligen Gebett versambeln /
 vnd Bethsahrt halten.

Item zu Alexandria der Geburtstag des heyligen
 hochwürdigen Euangelisten Marci / vonn Leu-
 tischem Geschlecht geborn / von Sanct Petro getaufft /
 vnnnd zum ersten Bischoff zu Aquileia gemacht / da er
 mit dem heyligen Predigampt vil Leut beköhet. Nach
 dem aber er S. Hermagoram an sein statt daselbst zum
 Bischoff geordnet hett / zog er von Aquileia gen Rom /
 vnd von dannen / auß Sanct Peters befehl / gen Alex-
 andria / da er vnzahlbar vil Volcks mit Göttlichen wort-
 ten vnd zaichen beköhet / vnnnd zu einem recht vollkom-
 men Christlichen leben vnderweiset / wie dauon Philo-
 vnd Eusebius schreiben. Wirdt Petri interpres genannt /
 darumb / das S. Peter im reden vnnnd verdolmetschen
 ihn gern gebraucht. Ist einer von den vier heyligsten
 Eanklern vnnnd hochwürdigsten Euangelisten Christi /
 der auß bitt der Brüder zu Rom sein heyliges Euange-
 lium geschriben / wie ers von Sanct Petro gehöret /
 welches auch S. Petrus bestetiget / vnnnd der Kirchen
 zulesen geben hat. Ward endlich im achten Jar des
 Tyrannischen Kayfers Neronis vmb des Christlichen
 Glaubens willen / von den Handen gefangen / ein
 Strick an sein Hals gelegt / vber Stain vnd Stöck ge-
 zogen / also das sein flaisch auff die Erden fiel. Ist dar-
 nach ins Gefenck auß gelegt / vnnnd darinn von einem
 Engel / ja von dem Herren Christo selbst getrübt vnnnd
 gesterckt. Am folgenden tag aber wider auff vorge-
 melte

Anno Dñi
 64.

meldte weiß/bis zu auffgebung seines Geiſſes geſchlaiſſe worden.

Item in der Statt Siracusa der heyligen Marterer Enodij vnd Hermogenis.

Item zu Leon des H. Biſchoffs Ruſſici.

Item in der Statt Placenz der heyligen Junckfrawen France/Ciſtertiener Ordens.

Item zu Vinchen des H. Biſchoffs vnd Lobienſiſchen Abtes Ermini / der ein Nachkommer war Sanct Veſmari in dem Lobienſiſchen Kloſter. Sein Feſt aber wirdt zu Vinchen auff den nechſtfolgenden tag geleg / von wegen S. Marci Feſt.

Item der Geburtstag des heyligen Maris / Biſchoffs zu Dolichen.

Item in Engeland des H. Biſchoffs vnd Reichthigers Auguſtini / ſo von dem H. groſſen Papp Gregorio in die Inſel geſchickt / das Engliſch Volck zum wahren Glauben beköhet hat.

d vj. Calendas Maij.

Der XXVI. Tag im Aprill.

S Rom iſt heut der Geburtstag des H. Pappſte Eleri / ſo von Rom geboren / vnd der ander oberſt Biſchoff nach dem heyligen Apoſtel Petro erwölet war / der bey 12. Jaren die Chriſtlich Kirck mit allem Fleiſch regierete / vnd in der Domitianſchen verfolgung die Marterkron erlangete. Anno Dñi 90.

Item auch zu Rom des heyligen Pappſte Marcelſini. Welcher zu Rom geboren / vnd zum höchſten Hirtenampe